



Kantonalno javno komunalno preduzeće "RAD" d.o.o.

Paromlinska 57, 71000 Sarajevo, Bosna i Hercegovina

Telefon: Centrala 033/658-038; Fax: 033/656-812 ; Eko telefon: 033/660-000

E-mail: jkpradsa@bih.net.ba; Web: www.rad.com.ba; Viber i WhatsApp poruke: 062/220-330

ID broj: 4200316890001, PDV broj: 200316890001, Poreski broj: 0170010500, Šifra djelatnosti: 38.11

Preduzeće registrovano kod: Kantonalni sud u Sarajevu, Rješenje broj U/I 1664/89, Matični reg. broj 1-1819

Na osnovu člana 8. i člana 26. Zakona o javnim preduzećima ("Službene novine FBiH" br. 9/05, 81/08, 22/09 i 109/12), člana 62. Statuta KJKP „RAD“ d.o.o. Sarajevo-prečišćeni tekst, (br. 1498/23 od 20.01.2023. godine i izmjenama pod br. 01SP-12375/24 od 01.10.2024. godine) i Odluke Nadzornog odbora Preduzeća, broj: 02NO- 8017 od 24.06.2025. godine, Nadzorni odbor KJKP "RAD" d.o.o. Sarajevo, raspisuje:

JAVNI KONKURS za izbor i imenovanje članova Odbora za reviziju KJKP "RAD" d.o.o. Sarajevo

I Predmet konkursa:

Raspisuje se javni konkurs za izbor i imenovanje članova Odbora za reviziju Kantonalnog javnog komunalnog Preduzeća „RAD“ d.o.o. Sarajevo.

II Mandat:

Članovi Odbora za reviziju se imenuju na period od četiri godine, s mogućnošću ponovnog izbora. Članovi Odbora za reviziju pojedinačno zaključuju s Preduzećem ugovor, kojiu ime Preduzeća potpisuje direktor. Ugovor sadrži prava, obaveze, odgovornosti i visinu naknade članova Odbora za reviziju.

Odluku o imenovanju članova Odbora za reviziju donosi Skupština, na prijedlog Nadzornog odbora.

III Opis pozicije

Odbor za reviziju je odgovoran i nadležan da:

- imenuje vanjskog revizora;
- imenuje direktora Odjela za internu reviziju na osnovu javnog konkursa za izbor tehnički najbolje kvalifikovanog kandidata;
- donese Poslovnik o radu Odbora za reviziju;
- usvaja Strateški plan Odjela za internu reviziju;
- usvaja Godišnju strategiju rizika po prijedlogu Odjela za internu reviziju, u kojoj su prikazane pojedinosti u pogledu rizičnih područja;
- usvaja Plan revizije, po prijedlogu Odjela za internu reviziju;
- osigura da Odjel za internu reviziju izvrši svoj posao u skladu s Planom revizije i da svoje obaveze obavlja u skladu s međunarodnim revizijskim standardima;
- usvaja izvještaje Odjela za internu reviziju o izvršenim revizijama;
- daje mišljenje Skupštini o prijedlogu Uprave o načinu raspodjele dobiti;
- daje nalog Odjelu za internu reviziju, na zahtjev organa upravljanja, o vršenju vanrednih revizija;
- izvrši reviziju polugodišnjeg i godišnjeg obračuna i istovremeno kontrolu usklađenosti poslovanja Preduzeća i funkcioniranja organa upravljanja Preduzeća sa zakonom, drugim relevantnim propisima i osnovnim principima korporativnog upravljanja, i o tome dostavi izvještaj Skupštini i Nadzornom odboru;
- osigura da interne kontrole, iz njegove nadležnosti, u Preduzeću budu adekvatne i da funkcionišu kako je predviđeno;
- daje preporuke Upravi o uočenim nepravilnostima;
- podnosi Nadzornom odboru sažete mjesečne izvještaje o svojim aktivnostima;

- sačini izvještaj o svom radu za proteklu godinu i putem Nadzornog odbora dostavi Skupštini Preduzeća;
- obavlja i druge poslove u skladu sa Zakonom.

IV Uslovi za imenovanje:

Kandidati moraju ispunjavati opće i posebne uslove:

a) Opći uslovi

1. da je državljanin Bosne i Hercegovine (dokaz: uvjerenje o državljanstvu ne starije od 3 mjeseca, original ili ovjerena kopija istog),
2. da je osoba starija od 18 godina (dokaz: Izvod iz matične knjige rođenih, original ili ovjerena kopija istog),
3. da nije osuđivan za krivično djelo i za prekršaj nespojiv s dužnošću u Odboru za reviziju, 5 godina od dana pravosnažnosti presude, isključujući vrijeme zatvorske kazne (dokaz: potpisana izjava ovjerena od strane nadležnog općinskog organa ili od strane notara, ne starija od 3 mjeseca),
4. da mu presudom nije zabranjeno obavljanje aktivnosti iz nadležnosti Odbora za reviziju (dokaz: potpisana izjava ovjerena od strane nadležnog općinskog organa ili od strane notara, ne starija od 3 mjeseca),
5. da nije radnik Preduzeća, član drugih organa u Preduzeću, niti da ima finansijski i drugi interes u Preduzeću, izuzev naknade po osnovu funkcije člana Odbora za reviziju (dokaz: potpisana izjava ovjerena od strane nadležnog općinskog organa ili od strane notara, ne starija od 3 mjeseca),
6. da se protiv kandidata ne vodi krivični postupak (dokaz: potpisana izjava ovjerena od strane nadležnog općinskog organa ili od strane notara, ne starija od 3 mjeseca),
7. da nije otpušten iz državne službe kao rezultat disciplinske mjere na bilo kojem nivou vlasti u BiH u periodu od (3) tri godine, prije dana objavljivanja upražnjene pozicije (dokaz: potpisana izjava ovjerena od strane nadležnog općinskog organa ili od strane notara, ne starija od 3 mjeseca),
8. da se na kandidata ne odnosi član IX. 1. Ustava Bosne i Hercegovine (dokaz: potpisana izjava od strane nadležnog općinskog organa ili od strane notara, ne starija od 3 mjeseca),
9. da ne vrše funkciju predsjednika ili člana nadzornog ili upravnog odbora drugog društva ili institucije (dokaz: potpisana izjava ovjerena od strane nadležnog općinskog organa ili od strane notara, ne starija od 3 mjeseca),
10. da ne vrši funkciju u političkoj stranci (dokaz: potpisana izjava od strane nadležnog općinskog organa ili od strane notara, ne starija od 3 mjeseca),
11. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sprečavanju sukoba interesa u institucijama na nivou Bosne i Hercegovine („Službeni glasnik BiH“, broj: 18/24) i Zakona o sukobu interesa u organima vlasti Federacije Bosne i Hercegovine („Službene novine Federacije BiH“, broj: 70/08) (dokaz: potpisana izjava od strane nadležnog općinskog organa ili od strane notara, ne starija od 3 mjeseca) i
12. da ne postoje druge zakonske smetnje za obavljanje funkcije u Odboru za reviziju (dokaz: potpisana izjava ovjerena od strane nadležnog općinskog organa ili od strane notara, ne starija od 3 mjeseca).

b) Posebni uslovi

1. da ima univerzitetsku diplomu VII stepena stručne spreme, odnosno visoko obrazovanje prvog ciklusa (koji se vrednuje sa 240 ECTS bodova), ili drugog ili trećeg ciklusa Bolonjskog sistema studiranja ekonomskog smjera, s tim da jedan član Odbora za reviziju može biti lice koje ima univerzitetsku diplomu, odnosno visoko obrazovanje pravnog smjera (dokaz: original ili ovjerena kopija univerzitetske diplome)

Napomena: Na mjestu ovjere nadležnog organa mora sadržavati napomenu da izvornik, odnosno diploma sadrži suhi žig koji se na fotokopiji ne vidi. Ukoliko diploma ne sadrži dovoljan broj podataka o

stečenim ECTS bodovima, a koji su traženi tekstom konkursa, Posebni uslovi, potrebno je da kandidat dostavi dodatak diploma u kojem će biti naznačen tačan broj ECTS bodova.

2. da ima najmanje pet godina radnog iskustva na finansijsko-računovodstvenim poslovima, poslovima revizije, finansijske kontrole ili privrednog prava, nakon sticanja univerzitetske diplome, odnosno visokog obrazovanja (dokaz: Potvrda ili Uvjerjenje Poslodavca o radnom iskustvu na finansijsko-računovodstvenim poslovima, poslovima revizije, finansijske kontrole ili privrednog prava, nakon sticanja univerzitetske diplome, odnosno visokog obrazovanja ili Uvjerjenje nadležnog Zavoda za penziono invalidsko osiguranje ili Porezne uprave sa Potvrdom o tumačenju šifre zanimanja, original ili ovjerena kopija. Potvrda ili Uvjerjenje Poslodavca treba da sadrži ime i prezime, opis posla, stepen stručne spreme i vremenski period obavljanja istog);
3. da nije osuđivan za krivično djelo;
4. da nije osuđen za privredni prijestup nespojiv sa obavljanjem dužnosti člana Odbora za reizij;
5. da se protiv njega ne vodi krivični postupak;
6. Potrebno je da kandidat uz naprijed navedenu dokumentaciju dostavi popunjenu Izjavu (potpisanu i ovjerenu od strane nadležnog općinskog organa ili notara, ne starija od dana objave ovog Javnog konkursa), kojom se daje saglasnost da KJKP „RAD“ d.o.o. Sarajevo i Komisiji za provođenje konkursa za izbor i imenovanje članova Odbora za reviziju KJKP „RAD“ d.o.o. Sarajevo po Javnom konkursu za izbor i imenovanje članova Odbora za reviziju KJKP „RAD“ d.o.o. Sarajevo, može obrađivati dokumente kojima se dokazuje njegov lični identitet shodno odredbama Zakona o zaštiti ličnih podataka („Službeni glasnik BiH“, broj 49/06, 76/11 i 89/11).

V Prilikom procjene kvalifikacije i iskustava kandidata, uzet će se u obzir slijedeće:

- a. sposobnost prepoznavanja, zastupanja i zaštite interesa Preduzeća,
- b. sposobnost za odgovorno obavljanje dužnosti člana Odbora za reviziju,
- c. izražena inicijativnost i nezavisnost u radu i donošenju odluka,
- d. znanje i sposobnost razumijevanja finansijskih i poslovnih izvještaja,
- e. poznavanje propisa vezano za djelatnost i rad Preduzeća,
- f. poznavanje međunarodnih standarda koji definišu oblast računovodstva i revizije,
- g. poznavanje propisa koji regulišu oblast računovodstva i revizije i interne revizije

VI Potrebni dokumenti:

Kandidati su dužni dostaviti:

- potpisanu prijavu na konkurs;
- CV sa adresom i kontakt telefonom;
- dokumente kojima se dokazuje ispunjavanje općih i posebnih uslova iz tačke IV original ili ovjerena kopija po definisanim tačkama

Dokaze o ispunjavanju posebnih uslova iz tačke 3., 4. i 5. ovog Javnog konkursa za predložene kandidate pribavlja KJKP „RAD“ d.o.o. Sarajevo po službenoj dužnosti, prije imenovanja kandidata na poziciju.

Komisija za provođenje javnog konkursa za izbor i imenovanje članova Odbora za reviziju KJKP „RAD“ d.o.o. Sarajevo će nakon zaključenog konkursa evidentirati prijave svih kandidata prijavljenih na konkurs i utvrditi da li su prijave blagovremene, potpune i uredne. Nepotpune, neblagovremene i neuredne prijave Komisija neće razmatrati, o čemu će obavijestiti kandidate putem pošte na adresu stanovanja, kao i putem e-mail adrese, nevedeih u prijavi ili CV-u.

Sa kandidatima koji ispunjavaju uslove, Komisija će obaviti intervju. Pozvani kandidati koji ne pristupe na zakazani intervju, smatrat će se da su odustali od daljeg učešća na konkursu.

Izvještaj sa prijedlogom kandidata za izbor članova Odbora za reviziju Komisija dostavlja Nadzornom odboru Preduzeća u roku od 30 dana od dana isteka roka za podnošenje prijava po raspisanom javnom konkursu, na osnovu uvida u dostavljenu dokumentaciju i obavljenog intervjua s kandidatima koji su ušli u uži izbor.

Nadzorni odbor može obaviti ponovni intervju sa nekim od kandidata ukoliko ocijeni da postoje razlozi za to.

Odluku o imenovanju članova Odbora za reviziju donosi Skupština, na prijedlog Nadzornog odbora. Preduzeće zadržava pravo da za kandidata koji ispunjava uslove po javnom konkursu, od nadležnog organa zatraži podatke iz službene evidencije, kako bi provjerilo tačnost podataka navedenih u datim izjavama.

Javni konkurs ostaje otvoren 15 (petnaest) dana od dana posljednjeg javnog objavljivanja konkursa ili obavijesti.

Javni konkurs će biti objavljen u "Službenim novinama Federacije Bosne i Hercegovine", web stranici Preduzeća www.rad.com.ba, Uredu za borbu protiv korupcije Kantona Sarajevo, a obavijest o raspisanom javnom konkursu objavit će se u dnevnom listu.

Prijavu na javni konkurs sa potrebnim dokumentima dostaviti u zatvorenoj koverti, putem protokola KJKP "RAD" d.o.o. Sarajevo ili preporučeno poštom, na adresu:

**KJKP "RAD" d.o.o. SARAJEVO,
Ul. Paromlinska br. 57, 71000 Sarajevo
sa naznakom:**

**"PRIJAVA NA JAVNI KONKURS ZA IZBOR I IMENOVANJE ČLANOVA ODBORA ZA REVIZIJU
KJKP "RAD" d.o.o. SARAJEVO – OTVARA KOMISIJA"**

OBAVEZNO na poledini koverta naznačiti ime i prezime, te adresu podnosioca prijave.

Napomena: Priložena dokumentacija neće se vraćati, osim kandidatima koji su istu dostavili u originalu i na pismeni zahtjev.

Kandidati će o rezultatima konkursa biti obaviješteni putem pošte na adresu stanovanja, kao i putem e-mail adrese, navedenih u prijavi ili CV-u.

Nadzorni odbor KJKP „RAD“ d.o.o. Sarajevo

